

AD QVODLIBETARIAM

QVÆSTIO MEDICA MATVTINIS AGITANDA

DISPVATIONIBVS IN SCHOLIS MEDICORVM, DIE IOVIS DECIMA QVARTA DECEMBRIS. MAGISTRO PETRO LE COMTE, DOCTORE MEDICO, MODERATORE.

An cor facultatum omnium principium?

720.



OMO ex anima & corpore quid vnum, maioris Mundi œconomiam in se continens, similibus cietur moribus, quibus Vniuersi partes, vnde sua desumit principia. In ipso enim motus Cœlorum in orbem, & Elementorum recti à centro, & ad centrum, nec-non mixtorum omnium mixti recipiuntur. Anima omnibus æqualis, & æqualiter tota in toto, sola corpus informat, ac vt Monarcha regit. Eius potestas maior in corde, minor in cerebro, & hepate, tribus principibus paribus, vt sede, sic officio sanctis: quarum ministri alij coadiutores, alij seruientes, per totum corpus dispersi, quæ ipsarum iuris sunt exequentur, preparantes, & deferentes alimentum à icore, vitam à corde, sensum & motum à cerebro.



OLITIA hæc quamdiu manet illæsa, principum facultatum functiones in cerebro, sensutricum in proprijs organis, & motricum motus in toto corpore sunt *regni quædam*. Horum sensiles genere duplices: alij enim sequuntur voluntatis imperium, & à neruis per musculos editi, actiones dicuntur animales, ad quas referuntur volatio, progressio, natatio, & statio: alij verò in corde, & arterijs, facultati vitali subseruiunt, à qua functiones appellantur vitales, vt cordis systole, diastole, arteriarum pulsus, & respiratio. Insensiles nutriti facultati famulantes in hepate, & venis peraguntur, quales sunt attractio, retentio, concoctio, expulsio, & operationes nuncupantur naturales. Procreatrix facultas vt mixta sic mixtis absoluit motibus, refidetque in testibus, & vas spermaticis. Hæc in vniuersum suam dignitatem, & vires sortiuntur à corde, tanquam à primo, & nobilissimo omnium facultatum, & functionum fonte.



ST autem cor velut conoidalis figuræ corpus, mole perexiguum, at virtute maximum, cuius basis *νεφελή*, mucro *πυγμαλίων* dicitur: hanc turbinis figuram adeptum ad leuitatem, & faciliorem motum: Situm habet in medio thoracis, vt vitalem spiritum instar Solis in omnia extrema peræque diffunderet. Eius cuspis inferiorem locum obtinens antrosum, & sinistrorsum sub papillam sinistram paululum inclinat; antrosum, vt calidior redderetur ea pars, in quam fit motus: sinistrorsum, vt cederet ascendenti causæ, redderet corpus æquilibrium, faueret ventriculo, & lienì, nec diaphragmati primario respirationis organo, & continuo motu agitato noceret. Viscus calidissimum, constans carne omni villorum genere texta, adipè, venis, arterijs, neruis, & tunica propria. In eo duo sinus, dexter sanguineus, sinister æreus, quibus per duplicem cordis motum omnia vitæ munia peraguntur.



ORDIS vt maior necessitas, quàm cerebri, & cæterarum partium, ita & dignitas: cuius solius læsio mortem affert præsentancam. Eiusdem perenni motu perpetua fit spirituum generatio, quorum copia omni animali perfectio fecunditatem largitur. Sympathiam habet æqualem cum omnibus corporis partibus; scilicet cum cerebro per arterias, quas ad ipsum numerosè mittit: cum icore per venas: cum ventriculo ratione vicinæ, & insignium neruorum, quos ambo à sexta coniugatione recipiunt: cum liene per plures, easquæ per amplas arterias: cum vtero per venas, & diaphragma: cum renibus etiam per arterias, quibus interdum empycorum pus salubriter expurgatur: cum testibus per venas & arterias: denique cum omnia sentientibus, etiam extimis partibus, per sanguinem, & spiritus. Ita vt corde affecto, omnes partes illico noxam patiantur, sicut illis malè se habentibus, vicissim cor trahitur in consensum.

*†
Nihilam partem desumptam fuit
vnde Palla qua Galienus
stadio p. 40.*



TQVE dum morbus in rempublicam humani corporis irruit: tum demum inordinati cordis, cæterarumquæ partium motus ab ipsa anima susciuntur, partim qui prodant, partim qui hostem foras expellant. Cuiusmodi sunt tussis, sternutatio, *μυδός* (minimè tremor cordis) nausea, singultus, vomitus, intestinalis, & vterinus fluor, oscitatio, pandiculatio, rigor, horror, motus vesicæ in calculi exclusione, & similes quamplurimi, ad quatuor motuum deprauatorum genera, concussium, convulsium, tremulum, & palpitantem referendi. His cor excitatum, velut optimus Princeps ad subditos, ita ad partes morbo grauatas, subsidia mittit, quibus, cum auxilijs ab arte medica petitis, hostem profligat, & ipsas pristinae sanitati restituit.

Ergo cor omnium facultatum principium. 66



Asserebat NICOLAUS MATHIEV Barroducæus, Anno R. S. H. 1628. Parisijs.

DOMINI DOCTORES DISPVATVRI.

M. Ioannes de Bourges. *Ætatis 32.*
M. Ludovicus Robillart.
M. Franciscus Bouionnier.

M. Joannes Berault, Prof. Reg.
M. Franciscus Mandar.
M. Franciscus Quiebecus.

M. Nicolaus Henaule.
M. Philibertus Guiberr.
M. Joannes Pietre, Decanus.